

Budanu mez 2



derslik



Azərbaycan Respublikasının Dövlət Himni

*Musiqisi Üzeyir Hacıbəylinin,
sözləri Əhməd Cavadındır.*

Azərbaycan! Azərbaycan!
Ey qəhrəman övladın şanlı Vətəni!
Səndən ötrü can verməyə cümlə hazırlız!
Səndən ötrü qan tökməyə cümlə qadiriz!
Üçrəngli bayraqınla məsud yaşa!

Minlərlə can qurban oldu,
Sinən hərbə meydan oldu!
Hüququndan keçən əsgər,
Hərə bir qəhrəman oldu!

Sən olasan gülüstan,
Sənə hər an can qurban!
Sənə min bir məhəbbət
Sinəmdə tutmuş məkan!

Namusunu hifz etməyə,
Bayrağını yüksəltməyə
Cümlə gənclər müştaqdır!
Şanlı Vətən! Şanlı Vətən!
Azərbaycan! Azərbaycan!



HEYDER ELİYEV
AZARBAYCAN RESPUBLİKACO ÜMUMMİLLİ LİDER

ADIGÖZƏL HACIYEV

Ümumi təhsil müəssisərəbo 2-ci siniferiz

Budanu mez

fenciz bädälä derslik

© “Şərq-Qərb” Açıq Səhmdar Cəmiyyəti

Bu nəşrlə bağlı irad və təkliflərinizi
info@eastwest.az və derslik@edu.gov.az
elektron ünvanlarına göndərməyiniz xahiş olunur.
Əməkdaşlığınıza üçün əvvəlcədən təşəkkür edirik!



ŞƏRQ - QƏRB



Mündəricat



1

Aile nä mekteb

1. Suftäki ders	6
2. Yö mekteb.....	8
3. Ya aile	11
4. Ya k'ul	16
5. Zo vatan Azarbaycan.....	20
6. Şuşä	23
7. Qehreman Qalib	26



2

H'ari şivi, xarap' şivi?

1. Dialoq.....	28
2. Q'ab nar.....	30
3. Sozogulä darya	34
4. Duz ç'el	37
5. Pitindovor kuçägi.....	40



3

Yö mənevi deyerber

1. Dialoq.....	42
2. H'aziz dust	44
3. Tutuquşu.....	48
4. İlçə quşri	53
5. Xazri	55
6. Novruz.....	58



4

Yez tabh'at yıkacı

1. Dialoq.....	61
2. Müşahidece güre inşa yezmi si'i.....	63
3. Yasemenco där.....	65
4. Bağban c'idxosor	68
5. Mişerber	75
Lugat.....	78



1

Suftäki ders



H'araq'ar



- 1 Şikilce şı tesvur si'irivi? Halci rengimbekir istifade si'irivi?
- 2 Vin vö mekteb tesvir sü'ürde.



Həarəqər

- 3 Şikil tesvir si'irde, şikilce güre dialoq qurmi si'irde.

Suxus'u nä Yazi

- 4 Yiväcär duz suxodä, duz yezmi si'irde.

mekteb, mektebco giric, məh'lim, şagird, h'ayel, kitab, däftär, sinif, yazıcı taxtä, xerite, parta, çente, qaläm, karandaş, sinifkom, elacı, şagirdco gündelik, sinifco journal, nübäçi

2

Yö mekteb



H'araq'ar

1 Şikil tesvir si'irde.

2 "Mektebce" mövzucä mik'esti dialoq qurmi si'irde.

Dialoqcä tur: "Mektebce zo säd yığ"

3 Metn duz suxodä.

Yö mekteb tän urtäcävi. Ad kuçägi, ham ma geniş cigacä vi. Yö mekteb şubud mertebeluvi. Açä mertebecə yeməkxanä, direkturco utağ, qarovulco menteğe, idmancu zal, tarixco muzeyi.

Yö idmanco zal lah"ki geniş. Yin ive cürebecüre uyunber, idmancu h"arækätär si'iri.

Muzeyce yö Vatanco tarixce baräcä marağlu materialber vi.

İkinci mertebecə sinifero utağär, säd mik'e ma fenbo kabineter vi. Üçüncü mertebecə laxa'a sinifera suxus'undo sinifero utağär, axt zalı vi. Axt zalice marağlu mah'rakärber yoruğuri. Yö mektebce dix-dix ziyalirbezin, şəhidero ailerbezin gürüşer teşkil si'iri. Yö mektebcox giroc cığa nı vi. İve lah"kice därimber vi. Suncu täräfcä ma lah"kice gliber qah'avi.

Väzila säd nübä yin mektebce daxçärä si'iri. Yö boh'lundätzin sınta yin nı mekteb temis sü'üye iştirak si'iri. Yö partarbe, yö ust'ulbe h'a-dic görd qoni, dibçekeriz x'äd yus'uri, yazıcı taxtä temis si'iri.

Suxus'u



4 Metnce çekir h"abaraq'ari?

5 Halci sualcız metncer cuğab q'axu döx'öra?

A) Yö mektebco giroc cığace şı vi?



B) Yö mekteb halci kuçäcävi?

C) Yin daxçäräce şı si'iri?

D) Axt zalice şı yoroğuri?

6 Vez has'är, çä gürece mektebce gira lah"kice därimber qah'avi?

7 Yivä ç'elbez eksine məna veh'i ç'eliber q'axudä.



8 Daxçärä ç'elo məna izah si'irde.

9 Metnçe mezmun qavaqhadä.

H''araq'ar



10 Agäm vin vö mektebce şikil yunu säbkänäbägäm, vin ac vö halci h'azız-girami eşyacızın yus'uvni?

11 Vin vö mekteb tesvir sü'ürde, ad metnçe yivä mektebcizin tutuşdurmi sü'ürde. Alahi cah"atär q'axuci? Bäs uxşäri cah"atär halciceri?

Yazi



12 T'ik'ro cıgacä hazetiri h"arifer eyede.

m...teb, mer...ebe, dax...ärä, gi...ic, bo...lus, mə...lim, h'a...el, mi...es, ku...ägi, hal...ic

13 Açä'a mövzurbekir säd qöröch"ür ni mik'esti inşa yezmi si'irde.

1. "Zo duğmä mekteb".
2. "Zäz zo mekteb şımä ürqhü yukocni?"
3. "Agäm zın usta säx'acinäbägäm, yö mekteb halmä qirvivni".

3

Ya aile



Həraqər

- (1) Şikilce irqhicer tesvir si'irde.
- (2) Şikilce güre dialoq qurmi si'irde.

Dialoq qurmi si'iyiz plan:

Şikilce güre sualber h"azırlemi si'irde (*Udur tuvi? Unurşisi si'iravi?* və s.)

Sualbö cuğab yutuxdä (*Udur didevi. Anır televizorcoxun irh"aravi*)



3 Metn intonasiyacızın suxodä.



Ya aile boh'lus däb. Ya ailece yuq'ur idmi vi: adä, dide, zin sär mäşid. Ya adä proqramçivi. Anız ugo sanh'at lah"ki yükäci. Ya dide universitetce Azarbaycance mezo mäh'lüm işlemi yırx'äravi. Ya didevon teleberbezin asantuvälçizin mez q'axus'u başär si'iri. Ya didox lah"kice yetirmerber vi. Ya dideri ugo yetirmerbezin fexir si'iri, ando har h'ari kida nuğa yırx'äri.

Kıdaxan yö dersimbezin mäşgül yırx'äri. Zox isnäq'ad yaşı vi. Zin 6-ci sınıfce suxus'uravi. Zox fotoaparat vi. İyezin şikil yunuyekir zäz h"az h'ásxarı. Zin za şiyezin suncu mektebce suxus'uri. Anır doqquzuncu sınıfce suxus'uravi, dersina eläcivi. Za şiyeri buş vaxtimbe lah"kice bedii kitabär suxus'uri. Zin dersimba çetinuväl yinde za şije kumäkciz müraciət si'iri.

Zäz ya aile lah"ki yükäci. Ya aile lah"ki mehribani.

Mäh'lümcir hemiše yu'uri ki, aile k'ibe cemiyeti. İyo h'urän çögörçiz, kıldärber uğurlu yix'ärciz gerek pitinciber çalışmi yibkär.



Yivä şikilber metnəce halçı cığacızın duz qaşxarı?




Suxus'u



- 5 Metnce çekir h"abaraq'aravi?
- 6 Sualbekir metnce halciyez cuğab däb?
- A) Za şiyeri neçenci sinifce suxus'uri?
 B) Şimat'i aile k'ibe cemiyyet h"isab yux'ori?
 C) Ya dido pişe şivi?
 D) Bedii kitabär hanır lah"ki suxus'uri?

- 7 Sxem yin päsär si'irde.




- 8 Metnce ugunda ailece baräcä h"araq'ar tuvi?
- 9 Vez h"as'är, şimat'i ailece veh'icber pitinciber gerek suncu fikirce, suncu reyina yibkär?
- 10 Metn pärärbe öq'öde. Har päräciz tur yutuxdü.

Çeşne:


Zın dağce suncu hundur q'ola h'ada qet'ilivni. Zın xah'urän irh"aravni. Zıvä quzğunber uçmi yix'äravni. Bixasdän sääb quzğun almä açän uçmi sox'od. İyeri ugo ovuna h"ucum si'iravni. Açı dağco

s'əh'ri vi ni. Yağın ki, quzguncız gärmä tilbekir sáb çügü yikäcni. Dağco s'əh' sädpä quzguncoxun cummi sox'oci. İyeri quzgunce källä h'ap'tuci. Quzğun q'uma qukoci. Dağco s'əh'ildovon ugo suru qurumi si'i başär si'ir säx'äcni.





(11) Ç'elbo məna izah si'irde.

säduväl → ?
dustuväl → ?
hemreyuväl → ?



- (12) Şikilbez tur yutuxdä, acära xüsusiyyeter yezmi si'irde.

Çeşne:



Yazı



- (13) Vez ix'e ç'eliber yezmi si'irde.
 (14) "Ya aile" yu'u metn tertib sü'ürde.

Plan:

1. Ailece baräcä gütre mah'limat
2. Ailece veh'icber
3. Ailece q'osä veh'i münasibet.



4

Ya k'ul



1

Metn intonasiyacızın suxodä.



Ulu k'ulco tesvir metncizin duz
qaşxarı? Vez acära halci alahi
cah"atär itxaci? Bäs uxşäri
cah"atär şı vi?

I pärä

Ya aile sädmerkebelu k'ilcä
yeşemi yibkäri. Ulu k'ul ya
adäri täzä qirveci. Q'ab väz
yux'ora ki, yin täzä k'ulce
kuçmi säbkäci. Ya täzä k'ul
mat'im geniş, kuçägi, ham ma
rah"ati.

Yo k'ulcox yuq 'ub utağ, săb
metbex, săb mä h'amam vi.
K'ulcä h'abeç'i boh'lus, ham
ma geniş iyvancäri. Iye q'osär
metbexcoxun qapu eçilmi
yix"äri. Sağ täräfcä ham yo,
ham ma yo boh'lundo utağäri.

Memenco utağ metbexco
bodävi. Ive mebel, divan,
kreslo, televizor vi. Yin ra-
h'amqarä televizorcoxun sınta
irh"ari, yin irh"a cizgi nä bedii
künorber müzakire si'iri.

H'azız dustimer! Vin yece
memen quştä! Qübküde vez
irqhira ki, ya k'ul şımä kucägi,
ham ma rah"ati.

Suxus'u



- 2** K'ul căz lazımı?
- 3** Metnce q'anik xet yivini cümlerba veh'i eşyarbo reng nä forma tesvir si'irde.
- 4** Metbex căz lazımı? Metbexce baräcä 3-4 cümle yezmi si'irde. Vez has'är, vin yezmi si'iri cümleber metnce halci cümlecehan eye yix'ära?
- 5** Metbex çelo izah halcici?
- A) xuräk sorh'uyez cığa B) qabri sonzuyez cığa
C) miz nä ust'ulber veh'i cığa.

H'araq'ar



- 6** Agäm vin k'ul qirvi säbkäcinän, ad halci furmacä qirvivni?

II pärä

Zäz en h"az h'aşxar utağ zo utağı. Ulu utağcäkir zın zo dersimer si'iyez, qalq'al-cız istifade si'iri. Zo utağ lah"ki rah"ati. Zo utağ zinzäz zın vodori. Sağ täräfcä zo qiravat nä zo yazico miz vi. Yazico mizila bodä qırdicer vi. Zın zäz lazımolu h"acätär iye h'aqhuri.

Sul täräfcä vi. İve zın za h"alävär vodori.

Ulu cümlece t'ik'ro cıgacä halci eşyaco tur yix'äri?

Zın zo utağ hemiše temis, ham ma salıghalu h'ovoqhuri



Suxus'u

- 7 Halcic tur metnce babı?
- A) Zo menzil B) Zo utağ C) Zo k'ul
- 8 Ugo utağcäkir h"araq'ar idmise tur yipädä.
- 9 Qırdic ç'elo məna izah si'irde.
- 10 Vez has'är, utağce veh'i qırdicära aça'a eşyarbekir halcicär h'aqha yix'ära?



- 11 Ça güre utağ hemise temis, salığalu h'uvuqhu lazımı?

(12) Feilber eşyarbezin əlaqelendirmi si'irde.

alq'ol

qalq'al

arxar



Yazı



(13) Ç'elibər kuçurmi si'irde.

Metbex, k'ul, menzil, utağ, salığalu, rah"at, temis, h'ovoqhu

(14) Vin və k'ul tesvir sü'ürde.

Plan:

1. Ya k'ul veh'i cığa
2. Utağära say
3. Utağära veh'i eşyarber
4. Zo utağ

Həraqər



- 1 Dialoq suxodä, ac davam si'irde.
- Azarbaycan zo vatanı.
 - Azarbaycan zo nı vatanı.
 - Zäz ad.....
 -



Ibir vosu



Xalç'cız has'är, vın zovodi,
Zo meskeni, yurt-yuvävi,
Didan duğmä vın vatanı,
Govul cancär tärg yux'oriz?
Azarbaycan, Azarbaycan!



Zın sär h'ayel, vın zäz dide,
Va bağluvi zın heleske,
Zın halcoxun, halci gälcä
Uçmi säx'an, vın yuvävi,
Zö el, zo gün, zo ubävi.

- 2 Şimat í Azarbaycan dide h"isab si'iri?

- 3 Şeirce uxşäri məna veh í ç'eliber q'axudä.

- 4 Şeirce aid q'ad sual tertib si'irde.

Suxus'u



5 Metn intonasiyacızın suxodä.

Zo vatan Azarbaycanı. Zo duğmä vatancox kuçägi tabh'at vi. Mişerber, duzri, çemenliker zo vatanco bezeki. H'asiliyezin väz har cıgacä kuçäguväl irqhiri. Pämäcarä q'alic şahvarcır aräcä yarpağär terpetmi si'iri. Quşri suxus'ura-suxus'ura uçmi säx'änä yäräç'ä çağarı. Çulbe aräc'ä itkini yarpağär tätzä söxürü q'alçäcä uxşami yix'äri. Halci gälcoxun vix'en in, heyen irh'an in väz kuçäguväl irqhiri. Uçmi yux'or quzğun k'en qüşxü Azarbaycan zo duğmä vatani. S'oru x'äd veh'i Xezer dünyacä en boh'lussti xiyo hövzevi. Boh'lux'ına, ham ma q'eli x'ije gürece iye tur darya yu'uri. Xezer daryaco asas särvät iyo näft nä qazi. Tabh'at zengin, särvätär bul veh'i ulu zo Azarbaycan zäz lah"ki yukoci.



6 Metnçe çekir h"abarq'aravi?

7 Vatan şimat'i duğmä h"isab yux'ori?

8 Habärbö ç'elbekir halcic metncizin säd qaşxarı?

- A) El gücü, sel gücü.
- B) Vatanco har qaye nä h'azizi.
- C) Dünyace vatancovor h'aziz şı vi?

9 Metn abzasära öq'öde, acäriz tur yutuxdä.

Metn abzasara öq'üyüz:

- Cümllerber diqqetcizin suxodä.
- Säd anlayışco tesvir yus'u cümllerber qruplaşdırımı si'irde.

Çeşne:

I abzas



Zo vatan Azarbaycanı. Zo duğmä
vatancox kuçägi tabh'at vi. Mişerber,
duzri, çemenliker zo vatanco bezeki.

10 Yivä ç'eliber uxşäri məna veh'i çelbezin evez si'irde.

duğmä




?

boh'lus



?

11 Ulu şikilbekir halciye tur metnce vi?



12 *Hövze* ç'elo məna q'axudä.

► x'yo quyi

► boh'lul x'ädqalt'äl cığa

► qullä

Şuşä

Suxus'u



C1 Metn duz suxodä.

Şuşä Azarbaycanco medeniyyetco merkezerekir säbi. Ham ma ad en vacib şəhərbekir säbi. Ad Qarabağcä ylk' h"isab yux'ori.

Şuşäcä buna Qarabağco xan säx'ä Penaheli xancır eyeci. Penaheli xanca xat'irciz ulu şəhərce tur k'ik'an "Penahabad", iyexan ma "Şuşa qalası" nä "Şuşa şəhəri" yipäci.

Şuşäcä dünyace hiç suncikinda ni qedeç'i "Xarıbülbül" gıl qeç'iri.

Şuşäcä tur "Azarbaycancu musiqico beşik" nä "Şerqco konservatoriya" yipäci.

Azərbaycan Respublikaco Prezident İlham Eliyevco 7 may 2021-ci sän tarixlu sarancamcızın Şuşä şəhər Azarbaycancu medeniyyetco paytaxt elan sü'ürcü.



Vez has'äri?

Şuşä şəhərco turuna baräcä cürebecüre fikirber vi.

Xalç'co efsanece güre, ulu cığärbö hava büllurcımä saf, ham ma şafa yus'ucmäd veh'ije gürece iye tur "Şuşä" (Şuşə) yipäci.

Bazundärir ma iye xa h'urän şış qayerber veh'ije gürece iye tur "Şişə" qıye yu'uri



Şikil tesvir si'ırde.

(2) Ulu fikirbekir halcicer metnce vi?

1. Şuşä Azarbaycancu medeniyyetco paytaxti.
2. Şuşäce dağıntıber säx'acı.
3. Şuşä şəhərco buna hanır sah'acı?
4. Buna xancır sah'acı.
5. Xarıbülbül cürebecüre cıgarba qeç'iri.

(3) Şuşä şəhərco bünövrə hanır eveci?

(4) Şuşäco suftäki tur şımä säx'acı?

(5) Ulu gılıbekir halcic Şuşäce qeç'iri?



- 6 Məna vez hadäs'är ç'eliber qöröç'h"ürde, acäro məna məh'limco kumokuvälcizin vin izah si'irde.

H'araq'ar



7

Suşäcä baräcä vez has'ärcär h"abarq'adä.

Vin halmä varavur si'irde ki, vin Şuşäcävi. Vin şəhər-cizin tanış yıbkäravi.

Vin vö hambätzärzinça baräcä dialoq qurmi si'ivni?
Halä dialoq teqdim si'irde.



Yazi



8

Vez ix'e ç'eliber yezmi si'irde.

9

Cümlerber vö däftärba kuçurmi si'irde.

Şuşä şəhəri. Azarbaycan ulkävi. Boku paytaxti.
Azerbaijancä cürebecüre xalç'imer yeşemi yıbkäri.



Qalib Budanu kuma didekir säx'äci. Anır mekteb ela nä h'ari q'ime-terizin päsär sü'ürcü. Adä Semid məh'limgir ugu duxoro tehsilce xüsusi diqqet yus'urni. Qalibo en boh'lu istek ali tehsil qonuvni. Yaş tamam säx'äcmä eskeruvälçä vix'ici.

1993-cü səna eskeruväl päsär si'irni väitäncä esil qüx'üçü. Alä vax-timba yö ulkäcä məhəribe çoğoravni. Vatanco çetin yiğrivni. Arməni silahlurberi Qarabağcä yö noq'räkir sad pärä cıgarber işgal si'irivni.

Qalibiz ugo vatan lah"ki yukocni. Ad ugo istekcizin orduce yezilmi säx'äci. Suftäki yiğra anu surağ Goranboyçär, Murovdağcär qütkücü. Kila Füzuli rayuncu noq'ra çägar döyüşera iştirak si'irci. Ano yağırbez-in axirici döyüş 21 aprel 1994-cü səna halä noq'ra sox'oci.

Abdurrah"manlu kum qonuyiz bädälä çägar döyüşce Qalib herk'i yerelenmi säx'äci, ad şəhid säx'äci. Ad Qubocä Şehidero xiyabancä çolğulci. Buduq kum natamam orta mektebciz ana tur yiväci, mekteb-co gira ana büst eyeci. Qeki yiğrä gürece yin pitinciber şəhideriz q'ard-agari.



Şehid-vatanco, noq'a, milletco rixa uga can feda si'iri idmi.

Suxus'u



(1)

- Metnce çäkir h"abaraq'aravi?
- Qalibo qehremanuvälcekir
 - Qalibo h'ayeluvälco sänbekir
 - Qalibo telebeluvälco sänbekir
 - Qalibo eskeruvälco sänbekir

(2)

Vez has'är,ça güre yin Qalibcimä qəhrəmanbez q'ardagari?

(3)

Metnce veh'i halci cümleberi Qalibo vatan yuko veh'i subut si'iri?

H"araq'ar



(4)

Şehid handovon yu'uri? Vez has'är,ça gürece şehiduväl laxa zirve h"isab yix'arı?

Yazi



(5)

Vin Qalibiz mektub yezmi sü'ü säbkäcinän, vin anovon şı yu'uvni? Həmən halä mektub yezmi sü'ürde, vinva aräcä müzakire sü'ürde.




1

Dialoq



– Salam, Cemele.



– Salam, Anar.



- Vıñ şımävi? Vo kídärber şımävi?
- Zıñ h'arivi. Alları säx'ä! Vıñ şımävi?
- Zı nı h'arivi. Yö məh'lımcır ya "H'ari şivi, xarap' şivi" mövzucä baräcä mah'lımat vodo'u qudguci. Vovon zäz kumäk sü'ür yux'oruz?
- Halbättä, sü'üra. Väz tapşuruğ halci formacä si'i yıkacı?
- İnşa nı yezmi si'ir yix'ära, ...

H'araq'ar



1

Dialoqcä xakilic düşünmi säbkädä. Vez has'är, ...
Anarır halcid forma seçmi sü'üvi?
Cemeleri anız halci mislah"atär yus'uvı?

(2) Şikilber tesvir si'irde. Halcije ç'ir, halciye duz h"arækät vi?



Yazi



(3) Şikilba gürece yiğcam metn h"asılçä h'osuxtä..



1

Metn rolbezin suxodä.



Kuluna q'ala q'ab nar qunşı vi ni. Q'ab in qızarmi sox'onä yetişmi sox'ocni. Birinci nar uga yık'ila fikirleşmi yux'oravnı:

– Güresen, birinci yekir halcid qöt'ü vi? Halbättä,

andäri zın qöt'üra. Zın mat'im iri, ham ma şut'ru vi.

İkinci nar fikirleşmi sox'oci:

– Za qunşı ni zäcmä kuçägi vi. Yin q'ab in sınta qötönebägäm, şimä h'ari yix'ärni. Luzu sufräcä h'ada ni yin qunşı sabkä yibkarnı.

Birinci nar fikirleşmi sox'oci:

– Va'a, andärir gerek suftä zın qöt'ü. Zın gerek en boh'lus mah'räkärbez bezek yox'or. Zo qunşı kila ni qöt'ö yux'ora. Heyen täläsmi yux'ori ki? Halä ad rah'bottu ni qızarmi sox'o däb!

İkinci narınır uga yık'ila yıpäci:

– Agäm andäri zın k'ik'an qöt'önäbägäm, zın za'andovon yu'ovi ki, qunşicekir h'ayibi, k'ik'an ad qöt'öde.

Narber halmä fikirleşmi yix'ärni. Bixas hanırısän ikinci nar qöt'ö devin tuğoci. Ad hakke qışdirmi sox'oci ki, bäs qunşı nar qöt'öde, hiç ano ç'ela ibir vosu ni säx'ä där.

Birinci nariniz uc itxacmä esebcekir sot'op'q'ulci. İyo şut'ri silimer itxaci.

Heyerisän sääb ç'ilit' qüx'ü narco kuluna h'ada oq'ulci, iyeri suxus-uye başlämi sox'oci:

– Cik-cirik, cik-cirik, zäz haväs'äri, alä nar heyen tuğovi.

– Heyen tuğovi?

– Ad xunçäcä q'osä eveni mitkera tuğovi!

Ulu ç'elikir nar şimä sot'op'q'ulcisän, daniber q'uma aräç'äci. Ç'ilt'erir h'ül qupt'u qevinizker iyo xunçäcä q'osä eveni mitkera tuğovi! Pitin daniber sa'al päsär si'irci. Uc paxıl narına axır.




Suxus'u



(2)

Şikilber esvir si'irde, metnco halci päräcizin duz qaşxar ve-h'i yipädä.



(3)

Vin halci nar lahki begemi sü'ürcü? Şimat'i?

(4)

Metce güre h'ari nä xarap' xüsusiyyeter yuzağcä qeçh"iye vö dustimbez kumok sü'ürde!



H'ari xüsusiyyeter

Xarap' xüsusiyyeter



(5)

Hekayece veh'i hadiserbo ardıcilliğuväl q'axudä.

1. İkinci narınız yıkä däd ki, ad hanırisän qöt'e.
2. Birinci nar esebcekir sot'olq'oli.
3. Q'ab in nar qızarmi sox'onä yetişmi sox'ovni.
4. Ç'ilt'ildir nar xunçäce q'osä eveyekir xabar yiväci.

(6)

Narba xüsusiyyeter yezmi si'irde.



Ud halcid nari?

...



Bäs ulud?

...

7

Metnce veh í asas fikir yuzağcä qavh"adä..

8

Yivä gäläcerbo eksine mëna yipädä.



K'en h'aqh

"Q'ab nar" metn hekayevi. Hekayece hadiserber yiğcam yıx'äri. Fikir obrazärizín çüröq'ürü.

H'araq'ar



9

Yağın ki, vez pitindez "Paxır idmi artmi dex'era" habärbö ç'el ix'evi. Yö habärbez iveauşin şı yu'u yıkän säx'äci? Vin ulu fikirce qah'ili?

10

Uxşari hadise veə qabağcä qatkuci? Hanovisän h'ari kida vin nuğä säbkäci, yuxsä anız paxıruväl si'irci? Ve qansär paxıruväl si'iri säx'äci? Halmä veh'ide bäs vin şı si'irci?

Yazı



- (11) Şikilce irqhicer cümlece qeydece yezmi si'irde.



- (12) Açä́ a mövzucä inşa yezmi si'irde.

"Zin pitindo h'ari kida nuğɑ yix'äri"


İnşaco qadar:
6-8 cümle



3

Sozogulä
darya

- 1 Metn rolbezin suxodä.



Üçüncü ders resmco dersni. Məh'limgir h'ayelba "Yin tabh'at qurumi sü'ürden" mövzucä resm yunu qudgucni. H'ayelber havas-cızın kida başlemi sääkäci. Məh'limg partarbe aräcizinqal h'alsäli, h'ayelbo kïdärboxun irh"arni.

Fateh nä Nergiz ikinci partasä abq'ulivni. Fatehir daryacä, Nergizir ma mišece şikil yunuye çalışmi yibkärni.

Fateho s'oru qaläm k'ulcä ipkincni. Anır Nergizovon yipäci:

– Väz aziyet sädäx'än, vo s'oru qaläm zo yutux.

Nergizir yipäci:

– Zäz in lazimi. Qaläm k'ev qumoç'onxu, lah"ki qümöch"ü.

Amma anır, Fatehiz qaläm yivädäb. Fatehir hiççisin yipädäd, darya sozogulä qalämcızın renglemi sü'ürkü.

Məh'limg ando partacoxun h'üx'ücü. Anır Fatehovor xabar qenci:

– Vin şimat'ı darya sozogulä qalämcızın renglemi sü'üravi?

Fatehir yipäci:

– Zo s'oru qaläm k'ulcä ipkinci.

– Bäs vin şimat' Nergizovor qondäb?

Nergiz dix dillemi sox'oci:

– Məh'limg zin yiväci, amma Fatehir qevindäb.

Məh'limgir yipäci:

– Nämä yus'u lazimi ki, va qanşärce veh'inir ad qevine.

- 2 Metnçe çekir h"abaraq'ari?

- 3 Nergizo h"aräkätära gürece ve fikir yipädä.

- 4 Ven säx'än, Nergizir, yoxsa Fatehir duz h"aräkät sü'ürü?

- 5 Fateho nä Nergizo xüsusiyyeter yezmi si'irde.



- 6 Metnçe gürece sebeb-netice əlaqərber h'ük'ede.

Sebeb	Netice
1. Fatehir darya sozogulä rengli qalämçizin renglemləri sü'ürcü	...
2. Fatehir qaläm qevindäb.	...
3.

- 7 Metnçe veh'i asas fikir yuzağcä qavh"adä.

- 8 Metn pärärbe öq'öde, acäriz tur yutuxdä.

- 9 Simic ç'elizin eksine mənacä veh'i ç'el q'axudä.

- 10 Yunu alahi mənacä cümlece işletmi si'irde.

H'araq'ar



- 11 Şikilba gürece h"abaraq'adä, susunciyeyin tutuşdurmi si'irde..



Düz şivi?



Ç'ır şivi?

(12)

“Sozogulä darya” metncizin baǵlu çír nä duz fikirber qöröch”ürde.

1. Fatehir Nergiziz qottotuväl si’iri.
2. Məh’limcir h’ayelba tabh’atcä baräcä şkil yunu qudgucni.
3. Nergiziz qaläm yus’u yukodäb.
4. Məh’limcir Nergiza ugo irad čürög’ürü.
5. Fatehir daryace, Nergizir mišece şkil yuni.

(13)

“Q’ab nar” nä “Sozogulä darya” metnber tutuşdurmi si’irde. Ux-şäri cah”atär yuzaǵcä qah”adä.

“Q’ab nar”	“Sozogulä darya”
1.	...
2.	

Yazı



(14)

Ç’eliber cümleba işletmi si’irde.

xabaçux, rah”amlu, dust, qonu, simic, qottä

(15)

Şikilce gürece inşa yezmi si’irde.



4

Duz ç'el



Ləmanır k'ulce masxarä si'iravni. Ad kärän-värän sot'torh"ori, deceluväl si'irni. Bixas ad, kibesti mizila h'okoci. Mizila h'adic gılqabi yutkulnä soğu atkuci. Gülqabi anız tur qiye yiğce baxşeyiçcimä qenivni.

Ləmanir qep't'ilnä gülqabicoxun irh"aci. Ulu gülqabi unda didez lah"kice yıkä sad qabni. Ləman uzoq'olce başlämi sox'oci.

Hulu vaxtına anda adä utağce h'aç'uci. Soğu atku gülqabicoxun irh"aci. Anır gülqabicä tilişkerber q'umar vedernä Ləmanovor xabar qenci:

– Gülqabı hanır soğuci?

Ləmanır yıpäci:

– Zın.

Adärir yıpäci:

Duz yıpäye gürece väz mäsäläm säx'ää!



Hekayco xakilic vinve varavur si'irde.

Vez has'är, gülqabi soğu itxacmä dideri şiyu'ura?



C 1

Metncizça güre "Duz ç'el" tur yiväci?

C 2

Metnce halci sualcız cuğab däb?

- Ləmanırça güre gülqabi soğuci?
- Adä çaz Ləmanız içiglemi säx'acı?
- Gülqabico tilişkerber hanır vederci?

(3) Hekayece güre sxem tamamlemi si'irde.

Hekayco tur

Hadise säx'ä
cığa

Hadise säx'ä
vaxt

Ubrazär

Hekayecä asas
fikir

(4) Hekayece güre adä nä Ləman ubrazära baräcä vin veə fikir yipädä.

(5) Habärbo ç'elbekir säd metnce məzmunco babi:

- a) Durucur cığa surqhura, amma h'urän çadağara.
- b) Säd fuqhad durucovor säd tä duz h'arivi.

(6) Ulucärekir halcic derslikce tur yini eşyaco şikili?



(7) Haqiqet ç'el halci ç'elizin evez si'ir yix'ära?

- A) dürüst
- B) duz
- c) temis

(8) Çay, şire nä x'äd soğuruyiz lazım yix'är eşyarbe turibər yipädä.

İbir vosu



İbir veya "Yugär" metnəcə güre sualbez cügab yutuxdä.

- (9) Yugär halci utağcär başlemi säx'äcni?
- (10) Yugärça gürece säx'äcni?
- (11) Vez has'är, hadiserba xakilic şimä yix'ära?
- (12) Metnəcə güre Zahida xüsusiyyeter yezmi si'irde.



- (13) "Duz ç'el" metnəcə veh'i Ləmanızın Zahid tutuşdurmi si'irde.
Vez has'är, ando urtağı xüsusiyyeter şivi?

Həraq'ar



- (14) "Metbexce" turuna dialoq qurmi si'irde.

Dialoqcä iştirak si'icber: Dide, adä, dix, rij

Mövzu:

Naharcız so'ulu h"azırlemi si'i

- Naharcız so'ulu h"azırlemi si'iye vin halciyez üstünlük yus'uri?
- Vin sufrä şimä h"azırlemi sü'üvnü?

- (15) "Sufräciz medeniy-yet" mövzucä h"abaraq'adä.



Yazı



16

Ç'eliber nä cümllerber yezmi si'irde.
gülqabi, sorğu, xabar qonu, haqiqet.

Adäri uga rijovor xabar qenci. Ləmanır uga veh icmä duz
yipäci. Anır gülqabi soğucni. Adärir Ləmanız teşekkür
sü'ürcü.

17

"Şimat'i duru h"araq'ar dex'era?" sualcız suğab yezmi
sü'ürde.

5

Pitindovor kuçägi



Säd dığ dide mik'e rijezin tukancä çarğarı. Dida q'il qır-dicera qıś'ä şeyra qarışmi yux'ori. Mik'e rijeri sädüpä dide h'algülü. Kuçäcä qoç'ürü. Hire q'ala çögöri, ulu q'ala h'uşx-ori. Dide iliye idarqhacmä uzoq'olcä başlämi yux'ori.

Kuçäcär yeç'i sundäri anovor xabar qoni:

- Vin çätz uzoq'olavi?
- Zın ya dide axtärmı sir'iravi.
- Veə dide şimädir heci?

Mik'e rijeri yipäci:

- Ya dide pitindovor kuçägivi.

H'araq'ar



1

"Tukancä" mövzuce k'ibesti dialoq qurmi si'irde.

Suxus'u



2

Metnciz ça güre "Pitindovor kuçägi" tur yivävi?

3

Rijeri ça güre dide h'algülü?

4

Rijeri dide q'arxus'uyiz şı si'ivi?



K'ulce olsoli?

Tukance h'ög'üvi?

5

Ugunda dide qarxus'uyiz vin rijezi halci mislah"atär yus'uvni?

6

Ugunda dide h'adölgüyü vin rijezi halci mislah"atär yus'uvni?

7

Kuçägi ç'el halci ç'elizin evez si'ir yix'ära?

A) mehriban

B) yaraşuğlu

C) semimi

8

Boh'lu ticaretco merkez halci şikilco izahi?



Yazi



9

T'ik'ro cıgacä **u**, yuxsä **ü** h"arif yezilmi yux'ori?

k...çä, t...kan, k...çäg, y...x'or

10

Şikilce gürece inşa yezmi si'irde.

Dide ... virx'ici. 2. Rijeri ... dide h'algülcü. 3. Riyeri ugunda dide.... 4. Furäri rijevor

1

Dialoq



- Salam, Cemele. H'uşox qe
mütaliyecä baräcä h"abaraq' adän.
Väz mütaliye şı vi has'äri?



Cemele säd qadar fikirba vüx'ücü.

Amma hekke fikirleşmi sox'onän,
ç'elo məna q'axu säx'ädäd.

H'azız dustimer! Mütaliye ç'elo
məna q'axus'uye Cemelez kumoku-
väл si'irde.

Vin Cemelevon şı yu'uvni?



Həraqər



1

Vin şikilber tesvir si'irde. Halci şikilba ç'ir h"arækät vi? Ç'ir h"arækär sü'ürü h"ayelbez vin halci mislaħat yus'uvni?



Yazi



2

Şikilbe güre vin gärmä metnber tertib sü'ürde. Metnbez tur qiyede.

2

H'aziz
dust

1

Metn vin intonasiyacızın suxodä.

Suxozker düşün-
mü säbkädä

Metnciz ça güre “H'aziz
dust” tur qiyeci?



Kitab bilikco nä zekaco bünövre h"isab sü'ürü. Yin pitinderi h'ari xasiyyeter nä tehsil sättä mütaliye si'iyezin yinyez h"asilce h'aşxiri.

Kitab susus'uye idmi gerek k'ibe yaşınar başdemı yix'är, yaşı h'ada h'aşxarcızın ac verdişse çovurmi yix'är.

Dersinar k'ulcä esil qüx'üyexan buş vaxt halmä heçi masxaräcızın, televi-zorcoxun irh"arcızın yobğu döş'öra.

Halä vaxtinekir, hiç sädäx'än, sättä sah'at kitab susus'uye cüre sü'ü lazimi. Halmä säx'än idmicir säd pärä h'ari xasiyyeter qazemi si'i-ra, ham ma ugur ugo vaxtino q'imet yus'ura.

Suxus'u nä ugo suxoyiz h'ari q'imet yus'u başär si'ir idmi hemise pitindar h'uräni. Halmäd idmi alahi vi, ano müza-kire nä mübahise sü'ü başäruğär h'arivi.



Şikil tesvir si'irde, metn-
cizin veh'i elaqe q'axudä.

Suxoye xan

Metnciz ça güre “H'aziz
dust” tur qiyeci?

Suxus'u



(2)

Metnce ulu yıpäcerikir säd däd:

- A) Kitab gerek k'ibe yaşınar suxus'u.
- B) Lah"ki kitab suxus'u h'ayel h'aq'allu yix'äri.
- C) Ancaq mağri veh'i kitabär suxus'u lazımı.
- D) İdmerir kitabärizin h'ari xasiyyeter qazämi si'iri.

(3)

Metncizin halci fikir çürögürü?

(4)

Məna izah si'iri ç'elibər yezmi si'irde:

- Q'osä metn yezilmi sox'o, vereğər veh'i eşya
- Kitab, qazut, jurnal və s. suxus'u
- Kitaber veder h'aqhu cığa

(5)

Agäm vekir kitab sox'ocinän, vin idmerovon şı yu'uvni.

Ibir vosu




(6)

"Kitabco faydarber" metnce diqqetcizin ibir veyede.

(7)


Vin ibir veye ("Kitabco faydarber"), vin suxo ("h'azız dust") metnbe gürece kitabora faydarbö baräcä h"abaraq'adä.



H̄araq̄ar



- (8) Kitabcekir istifade si'i qeyderba baräcä h"abaraq'adä, halä qeyderber vin tertib si'irde.
- (9) "Kitabcovor h'azız dust där" fikir izah sü'ürde, vin veə fikir qüröp'q'ürde.
- (10) Vö hambäzära kitaboruxun çubarq'anä acär suxus'uye rix h'ük'ede.



Yazi



11 Yivä ç'elibər hecarba cüre si'irde.

kitab, televizor, televiziya, verdiş, mütaliye, suxusú, veriliş, xasiyyeter

12 Sxemera bab cümllerber yezmi si'irde.

h'alamätco məna
yusúç'el

h'ayel

H"arákätco məna
yusúç'el

turuno məna
yusúç'el

gira
veh'i

turuno məna
yusúç'el

ekir
yiväci

13 Şikilce güre inşa yezmi si'irde.

Plan

1. Şikilce şı tesvir si'irivi ?
2. Şikilcizin halci fikir çürögüravi?
3. Şikilce halci elementerekir istifade si'irivi?
4. Metnciz tur yutuxdä.



3

TUTUQUŞU

**1**

Metn rolbezin suxodä.



I pärä



Sarvi ni, sär där ni. Gılıb aräç'ä, yarusa'a ağacär veh'i săb bağ vi ni. Bağce yeşemi yix'är quşra yığ lah"ki herk'i yeç'irni. Yıgro sunciyə săb bülbül uçmi sox'onä ulu bağcä qüx'ücü. İyeri neğməber suxoci. Quşrädir iyez t'uq'q'a h'avätäni: "Barakallah! Barakallah!" -yipäci. Kila bülbülcür yipäci:

- Za h'azız şiyimber! Zın şirru x'in veh'i, gillu çuluber terg si'rnä vö bodä h'üx'ücü ki, zın zivin in neğme suxus'u h"ar sib'irden. H'uştä, başdemı säbkädän!

Qarğarber qırıldemi säx'acı, bayquşärir suzan yinci, sağsağanber qıgıldıremi säx'acı, ç'ilit'er cikkildeşmi säx'acı. Har qus ugunda dideri h"ar sü'ürü sasinizin suxus'uye baştemi sox'oci.

Bülbül hekke çalışmi sox'acı, quşrekir sunciyevor in iyecmä suxo säx'ä däd.

Ancaq täk suncu tutuquşucovon iye siv rişxan si'ir säx'acı.

Axırce bülbülcä çarä yot'u nä qüx'ü cığäce epsil qap'çu vüx'ücü.

Suxus'u

**2**

Şimat'i täk suncu tutuquşucovon bülbülca siv rişxan si'ir säx'acı?

3

Bülbülcovonça güre quşri neğme suxus'uye h"ar si'ir säx'ä däd?

Həraqər



- 4** Bağ şimat'ni so'ocni? Ad diriltmi sü'üyiz h"ayvanbövon
şivisän si'ir yix'ärniz? Bäs vövon şı si'ir yix'ärni?
- 5** Bağ dirçeltmi sü'üyüz aşa'acärekir halcic vez lazım säch'ä
yix'ära?



- 6** Eşyarbez tur yutuxdä, acärekir şimä istifade si'ivisän
yipädä



II pärä

Bülbül vüx'üyexan tutquşucir konsertciz säb proqram süq'ürcü. Nah'rä sib'iri memember in halä yiğce mah'rakäce yiğcan säbkäci. Suncu hundur cıgacä qap'ç'unä h'abecer sasınızın qarğaco qeydece qarıldemi sox'oci, sağsağancımä qıgıldemi sox'oci, läp qurbağacmä quruldemi nı sox'oci. Amma iyevon bülbülcimä suxo säx'ä däd.

Tutuqusuce ibir qiye Q'alildır uc halmä itxacmä yıpäci:

Ay Tutu! İve h'urän xarap' in säx'-än in, vin veə dida meza suxus'urni. Pitindez has'ärni ki, vin i. Amma vin bülbülce tur un biabır si'irci, va tur un




Suxus'u



(7)

Hekayeco där tamamlemi süürde.



(8)

Metnçe halci obrazcekir vez lah"ki h"az h'atkisi? Şimat'i?

(9)

Metnçe güre obrazäro h'alämätär yezmi si'irde.

Obrazär					
Obrazära turib					
Acära h'alämätär					

H'araq'ar



(10)

Sxem tamamlemi si'irde. "Mez yez çäz lazimi?" sualcız cuğab q'axudä.



Vez has'äri?

21 fevral Beynelxalq Dida Mezo Yığı.

- (11) "Zo mez" mövzuce h"abaraq'adä.

Yö Konstitusiyace 21-ci maddece yu'uri.

I. Azarbaycan Respublikacu dovlätco mez Azarbaycan-
co mezi. Azarbaycan Respublikacır Azarbaycanco mezo
inkışaf təmin si'iri.

II. Azarbaycan Respublikacır əhalico h"abaraq'ar alahi
mezri asude işletmi si'i nä acoro inkişaf təmin si'iri.

Yazi



- (12) Metnəcə güre səbəb-nətice əlaqərber yezmi si'irde.

Sebeb	Netice
1. ...	1. Bülbül uçmı sox'o vüx'üçü.
2. Tutuquşucür h'abecer sasınızın suxoci	2...
3. ...	3. Heç sunciyeri ni bülbülcimä sux- odäd

- (13) Cümllerber küçürmi si'irde.

Azarbaycanco mez dovlätco mezi. Yin ya fikirber yo
mezizin çürög'ürü. Yez Azarbaycanco mez laħki yukoci.

4

İlçə quşri



1

Metn rolbezin suxodä.



Sär vi ni, sär där ni. İlçe yu'u sär furi vi ni. Anir qarän qaç'unä yuqunibä kılım xan eçmi si'irci. Har eçmi si'irde ana kılımbar şub quş uçmi yux'orni.

Birinci nübä kılımer eçmi si'irde yizri arımı yix'ärce başdemi säx'äci, kurimba sel h'atkici. Därimber s'oru säx'äci, çulber s'oru x'ınarı nä gilberi qiç'exinci. Quşräni neğmerber suxoci.

İlçeri ikinci nübä kılım eçmi si'irci, ma havacoxun şub quş uçmi sox'oci. Hulu vaxtına havarber feyi säx'äci. Meyverber, taxılber h'amälçä h'atkici.

Säd qadar yoç'uyexan İlçe üçüncü nübä ma qarän qaç'uci. Ulu nübä ni kılımer eçmi si'irni havacoxun şub quş uçurmi sü'ürcü. Halä dämcä sağa kulak quzurci. Mäfri h'asxarce başdemi säx'äci. Zäva icin lah'a bultarır qenci. Yarpağär xazal säx'ä därimbar aräç'arcä başdemi säx'äci.

Dördüncü nübä İlçeri ma havacoxun şub quş uçurmi sü'ürcü. Hulu nübä ...



H'araq'ar



2

Metnçe xakilic qaşuxdü.

3

Metnçe xakilic qeşxiyiz.

- Metn diqqetcizin suxodä;
- Metnce çekir h"abaraq' arcä fah'am yutuxdä;
- Yıvä sualbez cuğab q'axudä:
 - İlçe tu vi?
 - Ano quşräri şı temsil si'iri?
 - Şub quş şı yu'uvi?
- Şikilber tesvir si'irde, acär metncizin əlaqelendirmi si'irde;
- Metnco axırinci cümle tamamlämi si'irde.



Yazı



- 4** Ç'elbezin cümleber qurmi si'irde.
sän, fesil, vi, yuq'ub; hava, so gó, q'acrec; meyvə, x'äcräc, cürebecüre, h'amälcä h'aşxär; yiyyid, haftä, vi, yığ
- 5** Q'acreciccä mövzucä säd k'ibesti inşa yezmi si'irde.

İnşaco qadar: 10-15 cümle

5

Xazri



1

Metn duz suxodä.



Täzäcä rah'amqaräcic säx'äcni. Şəhərce h'ada lah'a bulutär k'ot'ä säx'äcni. Gu-cdu kulak vi ni. Xazarco s'oru x'äd lah'a rengina dünmi säx'äcni. Kulakcır qapurber, pencererber quturavni.

H'ayeluvälçär Ayazız xazricekir h"az h'asxar dädni. Keleske ki, xazri quzuricmä anda dide bikef yırx'ärni. Axi Ayazında adä neftçivi. Ad daryacä näfti-no mah'dance işdemı yıx'äri. Hiliye gürece ma guclu kulak veh'ide Ayaza nı kef puzulmi yıx'ärni.

Säd aräcmä gucdu mäf başdemi säx'äci. Aräcä zäv in guruldemi yıx'ärni. Ancağ xazri sädke zayıflemi säx'äcni. Hele bil ki, mäfəri iye uga guc h'ük'öcni.

Ayazır ugunda dida icinoxun irh"aci. Hele bil ki, andäz su-sundovon "gözödün sox'o" yu'u yıkäcni.



2 Vez has'är, metnce veh'i hadiserber halci fesilce säx'äci? Vin veə fikir izah sü'ürde. Metnce ulu fikirbekir sääb vi:

- A) Kuz lah"ki kuçägi fesili.
- B) Kulak lah"ki guclu vi ni.
- C) Kuzcä mäfri nä kulakär yix'äri.

3 Ayaza nä anda dida narah"atuvälçä sebeb şivni?

4 Sebeb-netice əlaqerber h'ük'ede.

Sebeb	Netice
1. Xazarco s'oru x'äd lah'a rengina dünmi säx'äcni.	...
2. Ayazız xazricekir h"az h'aşxar dädni.	...
3. Xazrico güc zayıflemi sox'oci.	...
4. Ayaz nä dide nuğä säbkäci.	...

5 Fikirbekir halcid duzi?

- A) Adäz hürmet nä yıkätuväl vi ni.
- B) Ailece sädıvol däd.
- C) Aile kuma vi ni.

6 Xazri ç'elo mäna halcici?

- gucdu kulak
- şimalco kulak
- cenubco kulak

- 7 Ç'elbo eksine məna aşkarce qah"adä.

lah'a



?

guclu



?

H̄araq̄ar



- 8 Şikilboxun diqqetcizin fah'am yutuxdä, acära halci hisri nä duyğurber veh'i yipädä.

Nuğa yux'or, qhur qoxus'u, uzoq'ol, ç'innemi yux'or, tæecüblenmi yux'or, gülümsemi yux'or



Azarbaycanco xalç'co en h'aziz h'idrekir säb Novruzi. Ulu h'idiz h"azıruväl qarayazco suftäcäri yiğrar başdemi yibkäri. Hayat-bäcäcä salığa sü'ürü, k'uliber, utağär temizlemi si'iri. Har idmicir uguguz täzä halävär qoni.

Ulu h'idiz mik'e itkini Çerşembico rah'amqaräcicer qeyd si'iri: xiyo çerşenbi, s'äro çerşenbi, noq' çerşenbi, kulak çerşembi.


Har çerşenbice xunçärber bezetmi si'iri, bicah" sorh'uri, sufräcä cürebecüre cerezer as'uri.

Diderberi, dadärberi daddu şekerburä, paxlävä, k'uk' nä alahi şirniyyatär sorh'uri, kusxud rengina qurot'uri.

H'ayelbez qurot'uyekir, qapara çente serh'iyekir lah"ki h"az h'aşxari.

Küçärba, girimba conqol qusuri, idmer conqolcä h'adar sebexçiri.

H'ido en h'ari h'adätärikir säd ma susunda k'ulba çabğarı.



Suxus'u



1

Hekayeco där tamamlemi sü'ürde.

2

Vin tur yuzağcä qah'a atributcä baräcä 2-3 cümle yezmi si'irde, acär metnce bab qaşxar päräcä artırmı si'irde.


3

İdmer căz bädälä h'idoc yiğce susunda k'ulcä çabğarı?

4


H'ayelberi şimat'i qapurba çente serh'irni?

- 5 "Novruzco h'adätär" yuú adlı där bezetmi süürde. Halä dära şikil yinde. Sualbö cıgacä vez hasär Novruzco h'adätär yezmi siírde.



- 6 Metnco plan h"azırlemi süürde.

- 7 Sxemer tamamlämi siírde.



- 8 Q'anikir çizig yivini ç'eliber bab qaşxar gäläcärbezin evez siírde.
- ▷ daddu şekerrburä, paxlava, k'uk'
 - ▷ boh'lu xunçä
 - ▷ kulakco çerşenbi

9 q'aniker sizığ yivini ç'elbekir halcicer uygun məna veh'i ç'elbez-in evez si'ir yix'ära?

milli h'id, kuçäg sufrä, kuçäg h'id, elco h'id, h'azız idmi, h'azız h'id, sufräcä as'u, conqol qusu

Evez si'ir yix'ära	Evez si'ir dex'era
h'azız idmi – duğmä idmi	milli h'id
...	...

H'araq'ar



10 Vez haväs'är halcidisän suncu h'ida baräcä h"abaraq'adä. Halä h'ido h'adätär Novruzco h'adätärisün tutuşdurumi si'irde. Vövon veə fikirber cedvelce ni yivä yix'ära.



11 Şikilber tesvir si'irde.



Şikil tesvir si'iyez bädälä:

1. Plan süqhürde.
2. Ç'eliber duz yezmi si'irde.
3. Cümlerber duz qurmi si'irde.

Qadar: 10-12 cümle

1

Dialog


- Anar, húş qe yin
baräcä h'abaraq'adän. İrh"adä
bädäm yez iye baräcä şı has'äri?
Vez has'är, dustimer ça baräcä
h"abaraq'ari? T'ik'rimbo cıgacä
halci ç'el yezilmü yix'äri?

Elifbaco sıracäkir istifade
si'iraniä halä ç'el q'axudä.

35	1	3	14	1	35
----	---	---	----	---	----



- H"abaraq'adän,
Cemele. Amma k'ik'an iye
mëna h"ar säbkädän. İrh"adä
bädäm tabh'at qurumi si'í-
yez yin şı si'ivi?
H'aziz dustimer! Vez has'är,
tabh'at qurumi si'íyez şı si'í
lazimi?



H"araq'ar



(1) Şikilber tesvir si'irde. Hanır duz h"aräkät sü'üravi?



(2) Tabh'at qurumu si'iyez vin şı si'iravi?

2

Müşahidece güre
inşa yezmi si'i

Yazı



1

Müşahide si'i yıpädä diqqetcizin fa'am yus'u, irh"ar nezerce qoni.

Müşahidece güre inşa yezmi si'iyiz:



1. Baräcä inşa yezmi si'i eşya, hadise, eh"valat qöröh"sürü;
2. Qereph"iri obyekt giqqetcizin müşahide sü'ürü;
3. Qereph"iri vasitecizin halci fikir çüröq'üye diqqet yus'uri.

İnşa yezmi si'iyiz:

1. İyez tur qusuri;
2. plan surqhuri;
3. abzasäro susunciyezin veh'i əlaqece fah'am yus'uri;
4. lazım säx'äcmä h'alamät h'ük'ü ç'elbekir, benzetmerbekir istifadə si'iri.




Çeşne: Zo isteglu h"ayvanber

Zo isteglu h"ayvan gäçi. İyo tur Mih'ovi. Ad lah"ki ç'erbedivi, luzu renginavi. Mih'oce h'ülümer sozogulävi. İyez yux soğuruyekir nä tupuluzın maskara si'iyekir lah"ki h"az h'aşxari. Zın har yiğina iyez so'ulu yus'uri, zi'iyezin masxadä si'iri.
Mih'o zo dusti. Zäz ad lah"ki yukoci.

(2)

Şikil tesvir si'irde.



Şikilce şı tesvir si'irivi?

Halci rengimbekir
istifade si'irivi?

Şikil halci fesilce
baräcävi?

3

“Yasemenco där”



1

Metn duz intonasiyacızın suxodä.

Yö mektebco bäğcäcä cavan, ham ma yoroşuğlu sáb yasemenco där vi ni. Qaräyaz h'atkicmä pitin därimbecmä iyeri ni gıl eçmi si'irni. Yasemenco däruvä säd alahi kuçäguväl vi ni.

Yö kuma yasemen yix'är dädni. Yö mektebco gira veh'i yasemen ma Aslan məh'limgir qah'acni. Ad har pämäcar ugur qavh'a ulu däro bodä quşxari, anır qet'lnä däro kuçäguvälcoxun tamaşä sü'ürnü.

Aslan məh'lüm h'apxu buy qive, lah'acmäd, zehimli sär idmivni. Amma har däroxun irh"ardä ana icina qhur yux'orni.

Säd dığ zäz alä dära q'osä quşulo yävä itxaci, h'acegirnä zın dära qaç'uci. Budağcır za herk'ix'ına tab h'oğodäb, ac soğu atkuci. Zın därar q'uma h'ax'ici.

İlyas Efendiyev



Şikilcekir vez h"az h'atkici? Şimat'i?

H'araq'ar



2

Şimat'i “Yasemenco här” hekaye h"isab si'iri?

3

Metnçe halci fesilcekir h"abarq'ari?

4

Cedvel ses'sirde.

**Aslan məh'limco qarä
icinar irqhi h'alamät:**

h'apxu buy qive

...

**Aslan məh'limco h'arä q'osä
veh'i h'alamät**

?

- (5) Gədo h"arækätära veə fikir yıpädä. Anır duz h"arækät sü'ürcü?
- (6) Metnce veh'i asas fikir şı vi?
- (7) Hadisece xakilic qaşuxdä.
Vez has'är, gädəri şı si'ira?
Aslan məh'limcir säx'äcerikir xäbär surqhuz?
Anır gädäz şı si'ira?
- (8) Metnciz plan süqhürde.

- (9) Ç'elibər oxşarı məna veh'icerizin evez si'irde.

cavan



?

yoroşuğlu




?


Herk'ix'ın



?

- (10) Eşyarbez tur yutuxdä.





H"araq'ar



11

Därimbez, gilber vin qulluq' si'iri? Vö hambätzärizin ive baräcä h"abaraq'adä.



Şimat'i därimber soğu dex'era?



Yazi



12

T'ik'ro cıgacä hazetiri h"arifer eyede.

tab...at, mis'e...il, q...r, pal...t, id...i

13

Sualbez cuğab yezmi sü'ürde.

1. Där hanır qavh'acni?
2. Yasemenco där heye qavh'avni?
3. Aslan məh'limce icina h'amälçä h'atki nuğax'incä səbəb şivni?
4. Dära s'ile şimat'i soğucni?

14

"Yin yaşılluğ qurumi si'irden" turuna esse yezmi si'irde.

Esseco qadar: 10-15 cümle

I pärä



qevinci.

Yan-bucağcä hüttüsün därni. Qozä rah"at so'uluyez bädälä säd qadar xan çekilmi sox'oci.

– Hän, hil hiç hanovon qozä za xabar qavh'a döx'öra. Oq'uldän, zin za'am sö'ülden.

Sädpä yıxtar säd xişitti ix'eci.

Diyesən, quşxar vi. Hil heter qozä noq'a çobğuldän. Kila h'üx'ünü so'ula. Yuxsä hanırısan za xabar qöçh"üra.

Ç'idxosorcır qozä noq'a q'anik çobğulci. Dıxtä h'acebgirnä dära qap'ç'uci. Demiş, xişitti ah'a sülösün q'ecik, x'ınära q'osiyezinqal ugo yäväçä şivisen çigiravni.

Ç'idxosor ulu därar alä dära söxçüra-söxcüra ni ugo yäväçä vüx'ücü. Qozä hiç iye k'eən sonxon däbni. Şimäd pitni qozä vi ni ki....

Payızni. Ç'idxosorcır pämäcar dıxantär dära veh'i ugo yäväçä q'osä oq'ulnäxa-h'urän irh"aravni. Sädpä iye h'ül q'u ma apku şamilo qozäcä qukoci.

– Vüx'ünä dıxtä qevin-den, za'am sö'ülden, – yıpänä ç'idxosordärar söxçö h'ap'ç'uci. Ç'idxosorcır q'osid tumulu-zın sáp's'ä kuçägi şamilo qozä



Suxus'u



- 1** ““Bağban ç‘idxosor” bedii metni” fikir tesdiq sü‘ürde.
- 2** Ç‘idxosorco nuga yux‘orce sebeb şı vi ni?
- 3** Ç‘idxosorcovon şimat‘i qozä sö‘ül sox‘o däb?
- 4** Ç‘idxosorcız halci sasınar kiç‘ säx‘äcni?

II pärä

Rah‘amqaräcic h‘atkici. Ç‘idxosorcır yıpäci:

– Hı, zın hil vüx‘üden, qozä q‘axudän, za‘ad sö‘ülden.

Ud pæk‘rimba q‘anik h“oroq‘or ipxacmä Qarğacır ivebor xabar qenci:

– Akançukan zın zovoxun irh“aravi, ay mik‘ecti. Vıñ za h‘üla narah“atcımä ürqhüravi. Yıp bädäm, väz şı säx‘äci?

Sirrina h‘adic eçilmi yıx‘ärcär kiç säx‘änä ç‘idxosorcır mez çöşküra-çöşküra yıpäci:

– Va‘a,va‘a, hiççisin säx‘ä däd.

Za q‘ıl tutkäri.

Qarğacır yıpäci:

– Halmä vizägäm vüçox‘, qoq‘ol. Rah‘amqaräcic säx‘äci, vıñ căz oq‘ulci?

– İ, vıñ duz yu‘uri. Hil säd k‘ibe havacä h‘apsilden, kila orxora.



Ulu c'elib yipänä ç'idxosor qozä çobğuli cıgacoxun set'teph"irci. Miç'ix'ın çotkucni. H'ülöz h'ül ürqhür däbni. Ç'idxosor hekke h'apsilenän, qozä çobğuli cıgä q'axu säx'ä däd. Axirce h"alcikir apkü ni qoq'olız vüx'ücü. Ugugovon yıpäci:

– Ziyan däd, pämäcar hava işigleşmi sox'ocmä zın h'apsil ni za'ad q'axus'ura.

Ç'idxosor pämäcar axurar quzurci. Har cıgacä yiz atkucni. Ç'idxosorcä qani qaralmi säx'äci:

– H'aşxaürciz ulu yizeri ni vaxt q'axuci. Hil h'apsilnä zın qozä şımä q'axudän?

Iyeri yiz eşelemi si'irci. H'apsilci, iyevor qozä q'axu sox'o däd. Yığrı yoç'uci. Ç'idxosorcovon uga h'ül q'umar yivin yux'or däbni. Halä hemiše ad axtärmı sü'ürnү.



5


Ç'idxosorcır säx'äcär qarğacovon şimat'ı duz yu'ur däd?

6

Ç'idxosorcovon şimat'ı qozä q'axu yux'or däd?

7

Qozäcä cığa q'axus'uye ç'idxosorcır vin kumok sü'ürde. Vez has'är, c'idxosorcır halci rixar vüx'en, qozä q'axu yux'ora?



H'araq'ar



8

H"isab si'irde ki, ç'idxosorcır qozä q'axus'uri. Vez has'är, hadiserber şimä yix'arni?

III pärä

Qaräyaz h'atkici. Ç'idxosorcır qozä cidir sü'ürü cıgacär şam där qöçüye başdemeli sox'oci. Mişeco h"ayvanber çeşmi säx'ä it-kinci.

Quruldur xabar qenci:

- Qeribe vi, güresen, ulu şam där hanır quño ive qa-vh'aci?

Cacucur yipäci:

- Zi nä mah"tal ipkin-ci, şimä säx'äci ki, ulu där ucära apkuci?

Ç'idxosorcır acoro ixti-latära fah'am yus'ur däbni. Halä ugur cidir sü'ürü qozäcoxun h'olsolni. Q'axu yux'or däbni. Ugugovon yu'urni:

- H"ayif iyekir, şam däro qozä lah"ki dadlu yux'ori. Güresen, qozä hen sox'oci?!



Əzizə Əhmədova

Suxus'u




9

Vin ulu sualcä şımäd cuğab yus'uvni? Veən säx'än,
ç'idxosorcır q'axu qozä heyen sox'oci?

10

Şam däro qöçüye sebeb şı säx'äci?



İbir vosu



11

İbir veyede, sualbo cuğab yutuxdä.

12

Metnçe güre cedvel ses'sirde.

Hadiserber halci fesilce säx'äci?

...

...

...

Halci hadiserber säx'äci?

...

...

...

(13) Ulu xüsusiyeterikir halcic ç'idxosorcä aidi?

kiç'rah"

duruçi

lovğä

simic

canyanän

dustyıkä



cafakes

merd

säbirlu

h'arituväl si'i

(14) Agäm ç'idxosorcır qozä cidir südö' ürcünän, şı yix'ärni?

H'araq'ar

(15)

Metnce güre şikilber susunciye xakila duzmi si'irde.



Yazı



(16) Ç'eliber buşduğära duz yezmi si'irde.

1. Ç'idxosorcä cibir ni. boh'lus
2. ... lah'a renginavni. qarğıa
3. Şamco qozä boh'lus sox'onä ... sox'oci. där
4. ... qozä q'axuci. Ç'idxosorcır

(17) Şikilce güre inşa yezmi si'irde.





1

Metnçe ibir veyede. Metnçe yıpäcära baräcä veə fikir yıpädä.

2

Vin ibir veye metnçe güre şubud sual tertib si'irde.

Yin tabh'atco k'ibesti pärçärberi. Yö sağlamuväl iyezin bağlıvi.

Mişerber tabh'atco säd pärçä vi. Almanberi tabh'atco tur «Sozogulä leq» yu'uri. Yaşılıväl idmiciz fuyecmä lazımı. Yaşılıväl, mişerber sädäx'än, täk idmicovon vä'ä, alahi canlerbövon in yeşemi säch'ä dex'era.

Mişerber "yö planetco luzu leq" h"isab yix'äri. Acär temis hava, sağlamuväl nä kuçäguvoli. Mişe sädäx'än nafas qonu çetin yix'ära. Yin havacızın nafas qoni. Agäm hava temis sodox'on, haşke sarq'ara. Tabh"atcir yez so'ulu, quşulu, yurt-yävä baxş sü'ürü.

Mišece veh'i därimber, canlurber susunciyegin əlaqece yix'äri. Meselçün, quşräri meyve nä acäro tumri so'uli. Acärir tumri yixta cıgarba yayilmi yux'orcä iştirak si'iri. Päsro inkişaf därimbekir asılıvi. Soğu aräç'ä därimbo çurumi yix'ärce iştirak si'i päsräri mineral madderber noq'a älsälçiz kumokuväl si'iri. Mišece veh'i därimber, kulber, x'ınär sa'adä acoro cıgacä tätzasicär qeç'iri.

Har idmiciz gerek h'ayeluvälçär ugo tabh'acä qanşäri veziferber has'är. Yani ac yikän yix'är säch'ä, ac h'aqha, qurumi si'ire. Därimber yorot'u hazarbezin h"ayvanbo, bitkirbo, qah'a kumo tecerrufatco mah"silbo terg yix'ärcä səbəb yix'äri. Yaşılıvälba, mişerba "h"ucum" idmerizin sü'ü en herk'i məhərəibevi. Yövon yö h'aq'alcızın, ya xabar qaşxarcızın, yö bäsäruğcızın ulu "məhərbəce" qabağ qen yix'ära.

Yin gerek tabh'atco nizam puzmi si'i, iye q'adir hadäs'är, ac kurrämi si'i idmerizin mübarize çüğü, yö tabh'at, iye kuçäguväl qurumi si'i.

Suxus'u



(3) Metnce çäkir h"abaraq'aravi?

1. mişerbekir
2. bağräkir
3. mişece vehí canlerbekir
4. tabh'at qurumi si'iyekir

(4) Mişerber ça güre "yö planetco luzu leq'ri" h"isab yix'äri?

(5) Ulu sualbekir sunciyez metnce cuğab q'axu yux'ora:

- A) Mişece halci därimber vi?
- B) Mişerber sädäx'än, şı yix'ära?
- C) Quşrı sädäx'än, şı yix'ära?
- D) Därimber ça güre et'e qas'uri?

(6) Şimatí tabh'atcä h"ucumcovon "məhəribe" yu'uri?
Məhəribe şı yu'u c'eli vez has'äri?

(7) Cedvel ses'sirde.

Qeyd. Cedvel sers'iyiz bääb qrafa qöroçh"ürde, vin veə
fikir çürop'q"ürde.

"Mişerber" metn

bədii metni,	bədii metn däb,	hekayevi	Hekaye däb
--------------	-----------------	----------	------------

heleske ki

...

...

...

...

(8) Metn pärärbe öq'öde, har päräciz tur yutuxdä.

(9) Məhəribe c'ela eksine vehí c'el yuzağcä qah"adä.

H̄araq̄ar



(10)

Mišerber terg dex'erciz vin halci tekellüfer yus'uvni?

Tekellüfer vövon vö adä-didevor, vö məh'limerovor, vö mektebco h'ayelbövor in qeyin yix'ära.

- Halä tekellüfer vin vö məh'limerizin sinta ümumileşdirmi si'irde.
- Tabh'at qurumu si'iyez vin tekellüfer yutuxdü.
- Vin vö tekellüfer kidan yodğudä.



Yazi



(11)

"Mišerber" metnco plan süqhürde.

(12)

"Tabh'at qurumi si'irden" turuna säd inşa yezmi si'irde.

Luğat

Sırä	Budanu meza	Azarbaycancu meza
1	acär	onlar
2	açä	aşağıda
3	ad (ac)	o
4	adä	ata
5	alahi	başqa, ayrı, özgə,
6	alq'ol	oturmaq
7	arxar	yuxulamaq
8	bab	uyğun, tay, bənzər
9	Bab qaşxar	uyğun gəlmək
10	baxşeyiş	hədiyyə
11	bazundarı	bəziləri
12	bicah"	aş, plov
13	bixasdän	qəflətən, birdən
14	boh'lis	böyük
15	boh'lux'ın	böyüklük, irilik
16	boh'lusti	böyük, iri
17	buna	bünövrə, təməl, əsas
18	cacu	kirpi
19	cığa	sahə, yer, ərazi
20	conqol	tonqal
21	cürebécüre	müxtəlif
22	ç'eliber	sözlər
23	ç'idxosor	dələ
24	ç'ilit'	sərçə
25	ç'ir	1. Səhv; 2. Cır
26	çekir	nədən, nə barədə

27	çolğu	1. Dəfn etmək; 2. Basdırmaq
28	däd (däb)	yoxdur
29	daxçärä	iməcilik
30	där	ağac
31	därimber	ağaclar
32	darya	dəniz
33	dıx-dıx	tez-tez
34	dide	ana
35	duru	yalan
36	esil quşxar	qayıdıb gəlmək
37	eskeruväl	hərbi xidmət
38	gäläcä	ifadə
39	gärd	toz
40	gärmä	xırda, kiçik, balaca
41	govul	könül, qəlb
42	gütre	ümumi
43	h'açı	1.daxil olmaq; 2.düşmək
44	h'ada	Üstündə
45	h'alsäl	gəzmək, gərdiş etmək
46	h'apxu	uzun
47	h'arı	yaxşı
48	h'ayib	ayıb
49	h'azız	əziz, doğma, istəkli
50	h'azız-girami	İstəkli, əvəzi olmayan, əvəzsiz
51	h'íd	bayram

52	h'ovoqhu (h'aqhu)	saxlamaq
53	h'ül	göz
54	habä	ata
55	h"acätär	avadanlıqlar, əşyalar, alətlər
56	halävär	1. paltar; 2. palazlar
57	halci (halcic)	hansi
58	halci gölcic	hansi tərəf
59	hambätz	yoldaş
60	hanırısan	kimsə
61	h"araq'ar	danişmaq
62	h"az h'aşxar	xoşlamaq, sevmək, xoşuna gəlmək
63	herk'i	ağır
64	herk'ix'in	ağırlıq
65	hiçmişin	heç nə
66	x'äcräc	yay
67	x'äd	su
68	xabaçux	əlaçiq
69	xa-h'urän	ətraf, yan-yörə
70	xakilic	ardı, davamı, dalı
71	xalc'	el, xalq
72	ırh"ar	baxmaq, seyr etmək, tamaşa etmək
73	irh"ar	baxmaq
74	irqhi	görmək, görünmək
75	k'e(ə)n qüşxü	yada salmaq, xatır- latmaq
76	k'ev (k'evi)	bərk
77	k'ibesti	balaca, ləp kiçik
78	k'ik'an	əvvəl, ilk olaraq
79	k'uk	qoğal
80	k'ul	ev
81	kıdä	iş

82	kıdärber	işlər
83	kiç'rah"	qorxaq
84	kuçägi	qəşəng
85	kum	kənd
86	kuz	payız
87	q'acrec	qış
88	q'al	siçan
89	q'osä	icində, daxilində, tərkibində
90	q'um	yer
91	qadar	həcm, qədər
92	qalq'al	yatmaq, uzanmaq
93	qanşär	qarşı, əksinə
94	qarayaz	bahar, yaz
95	qarovul	gözətçi
96	qeki	bugünkü
97	qhur	gülmək, gülüş
98	qırdicer	taxçalar, rəflər
99	qırvat	çarpayı
100	qırvi	tikmək, inşa etmək
101	qotto	kobud
102	qottotuväl	kobudluq
103	qöt'ü	dərmək
104	qullä	nohur
105	qur	dovşan
106	lah'a	qara
107	lah"ki	çox
108	lah"kice	çoxluca
109	laxa'a	yuxarı, yuxarıdakı
110	mäfri	yağışlar
111	mah'rakä	tədbir, yığıncaq, şənlik, məclis
112	mäsäläm säx'ä!	bərəkəllah olsun!
113	masxarä si'i	oynamaq

114	mat'ım	daha, daha da
115	memen	qonaq
116	mez	dil
117	mik'e	az
118	mik'esti	balaca
119	miz	masa
120	naxastä	nəhəng
121	noq'ri	torpaqlar
122	nuğ'a yıx'är	sevinmək
123	pämäcar	səhər, sübhədən
124	pärä	hissə
125	päsär si'i	qurtarmaq, sona çatdırmaq, bitirmək, yekun- laşdırmaq
126	pitinciber	hamı
127	rah'amqarä	axşam
128	s'oru	göy (rəngli)
129	s'oru x'ın	göy ot
130	säd fuqhad	yüz
131	säd nıbä	bir dəfə
132	sädpä	dərhal
133	säduväl	birlilik
134	sebexçi	tullanmaq
135	sıntıta	birgə, birlikdə
136	simic	xəsis
137	sonzu	yumaq (təmiz- ləmək)
138	sorh'u	bışirmək
139	Sot'olq'ol	çatlamaq, partla- maq, parçalanmaq, paralanmaq
140	sozogulä	yaşıl

141	suftäki	ilk
142	suxus'u	oxumaq
143	sülösün	sünbülgirən, əkin siçanı
144	şahvar	Şah dağı tərəfdən əsən külək
145	şımä	necə
146	şımaťı	niyə, nə üçün
147	şı	nə
148	t'ik'	1. nöqtə; 2. damcı
149	tabh'at	təbiət
150	tiliškerber	qırıqlar, qırıntılar
151	tukan	mağaza, market, dükən
152	tur yını	adlandırılan, adı çəkilən
153	tutuşdurmi sü'ü	müqayisə etmək
154	uxşäri	oxşar, bənzər
155	ust'ul	oturacaq
156	uzaq'al	ağlamaq
157	varavur si'i	təsəvvür etmək, qüşünmək
158	väz	ay
159	veh'i	olan
160	vodo'u	toplamaq, yiğ- maq, cəm etmək, yığışdırmaq
161	yığ	gün
162	yık'	ürək
163	yugär	yanğıñ
164	yunu	1. çəkmək; 2. dart- maq

Buraxılış məlumatı

BUDUQ DİLİ 2

*Ümumi təhsil müəssisələrinin 2-ci sinifləri üçün
Buduq dili fənni üzrə
DƏRSLİK*

Tərtibçi heyət:

Müəllif Adıgozəl Hacıyev

Layihə rəhbəri Samirə Bektaşı

Buraxılışa məsul	Rafiq Kazimov
Üz qabığının dizayneri	Novruz Novruzov
Dizayner və səhifələyici	Kubra İbrahimli
Texniki redaktor	Sevinc Yusifova
Baş redaktor	Samirə Bektaşı
Texniki direktor	Allahverdi Kərimov
Nəşriyyat direktoru	Sevil İsmayılova

© “Şərq-Qərb” Açıq Səhmdar Cəmiyyəti

Azərbaycan Respublikası Elm və Təhsil Nazirliyinin qrif nömrəsi: 2025-026

Müəlliflik hüquqları qorunur. Xüsusi icazə olmadan bu nəşri və yaxud onun hər hansı hissəsini yenidən çap etdirmek, surətini çıxarmaq, elektron informasiya vasitələri ilə yaymaq qanuna ziddir.

Hesab-nəşriyyat həcmi 7,1. Fiziki çap vərəqi 10. Formatı 57x82¹/₈.

Kəsimdən sonra ölçüsü: 195x275. Səhifə sayı 80.

Şriftin adı və ölçüsü: məktəb qarnituru 10-12. Ofset kağızı. Ofset çapı.
Sifariş . Tiraj . Pulsuz. Bakı – 2025

Çapa imzalandığı tarix: .07.2025

Çap məhsulunu nəşr edən:

“Şərq-Qərb” ASC
(Bakı, AZ1143, Hüseyn Cavid pr., 111)

Çap məhsulunu istehsal edən:

Əziz məktəbli!

Bu dərslik sizə Azərbaycan dövləti tərəfindən
bir dərs ilində istifadə üçün verilir.

O, dərs ili müddətində nəzərdə tutulmuş bilikləri
qazanmaq üçün sizə etibarlı dost və yardımçı olacaq.

İnanırıq ki, siz də bu dərsliyə məhəbbətlə yanaşacaq,
onu zədələnmələrdən qoruyacaq, təmiz və səliqəli
saxlayacaqsınız ki, növbəti dərs ilində digər məktəbli
yoldaşınız ondan sizin kimi rahat istifadə edə bilsin.

Sizə təhsildə uğurlar arzulayırıq!

